

# 2016

Tim 003

Bajgorić Lejla  
Boja Nermin  
Brkić Mirzet  
Čengić Džemal  
Čongo Naida  
Ćorović Nino

## [PONUDA]

Softversko rješenje za unapređenje poslovanja kompanije poboljšanjem segmenta upravljanja skladištem

Budući da skladištenje predstavlja jedan od bitnih procesa za svaku kompaniju koja ima potrebe za tim, softversko rješenje koje nudi naša kompanija ima za cilj da omogući jednostavnije upravljanje procesom skladištenja čime će doći i do poboljšanja poslovanja kompanije.

Skladištenje robe je vrlo odgovoran zadatak, te nepravilnim skladištenjem može doći do ogromnih gubitaka. Budući da smo svjesni da je bitno imati uvid u trenutno stanje u svakom od skladišta, kao i adekvatnu evidenciju dobavljanja i prodaje robe, naše rješenje će omogućiti da radnici na jednostavan način obavljaju posao.

Segmenti poslovanja koje obuhvata naše softversko rješenje su:

- **Zaprimanje robe u skladište**

- **Unos podataka o robi:** Unos osnovnih podataka o robi (dobavljač, naziv, mjerna jedinica, količina, nabavna cijena)

- **Kreiranje i štampanje naljepnica sa bar kodovima:** Kreiranje naljepnica za svaki ulaz robe i svaki proizvod kombinacijom koda ulaznog dokumenta i EAN bar-koda proizvoda te štampanje istih u cilju efikasnijeg i jednostavnijeg poslovanja

- **Proračun ponderirane cijene proizvoda:** Izračunavanje cijene proizvoda na osnovu trenutne vrijednosti (trenutna cijena x trenutna količina) i nove vrijednosti (ulazna cijena x ulazna količina) za svaki proizvod prilikom njegovog unosa

- **Evidencija poslovnih partnera**

- **Unos dobavljača:** Unos osnovnih informacija o dobavljačima (ID, naziv i adresa)

- **Unos kupaca:** Unos osnovnih informacija o kupcima (ID, naziv i adresa)

- **Pregled poslovnih partnera:** Lista svih subjekata sa kojima je skladište poslovalo

- **Sigurnost i poštovanje poslovnih pravila**

- **Evidencija uposlenika:** Unos i pregled osnovnih informacija o uposlenicima (ime, prezime, JMBG, zanimanje, kontakt)

- **Privilegija korisnika sistema:** osiguravanje prava korisnika različitih korisnika sistema (menadžeri i radnici-skladištari)

- **Osiguravanje tačnosti informacija o količini robe:** Održavanje tačne informacije o količini proizvoda u svrhu onemogućavanja nevalidnih prodaja (prodaje proizvoda koji ne postoji ili čija količina nije dostatna)

- **Osiguravanje rentabilnosti prodaje:** osiguravanje da prodajna/izlazna cijena proizvoda bude veća od ulazne cijene uz mogućnost proizvoljnog unosa prodajne cijene

- **Otpremanje robe iz skladišta**

- **Odabir robe koja se otprema iz skladišta te automatsko kreiranje otpremnice:** Nakon što je klijent naručio/odabrao određenu robu, radnik pronalazi tu robu u skladištu te skenira bar kodove sa tražene robe, pri čemu se automatski kreira izlazni dokument, tj. otpremnica.

- **Kreiranje izlaznih dokumenata:** Prilikom otpremanja robe iz skladišta kreira se dokument, tj. otpremnica, koji sadrži informacije o nazivu i količini te robe, te informacije o kupcu.

- **Automatsko ažuriranje novog stanja robe u skladištu:** Prilikom dopremanja ili otpremanja robe, stanje robe na skladištu se automatski ažurira. Prilikom otpremanja robe, bar-kodovi sa tražene robe se skeniraju, kreira se izlazni dokument, te se stanje na skladištu ažurira.

- **Ažuriranje historijata proizvoda koji se otprema:** Prilikom otpremanja određenog proizvoda ažurira se historijat tog proizvoda, tj. u historiju proizvoda se dodaje i ovo otpremanje.

- **Mogućnost otpisa robe u određenom trenutku<sup>1</sup>**

- **Odabir robe koja se treba otpisati:** Ukoliko radnik uoči da je neki artikal oštećen, ili ima neki nedostatak, kreira dokument za otpis robe.

- **Kreiranje dokumenta za otpis robe:** Nakon odabira robe koju treba otpisati kreira se dokument za otpis robe, koji sadrži informacije o nazivu i količini te robe, te razlog njenog otpisa.

- **Ažuriranje novog stanja robe u skladištu:** Nakon otpisa robe automatski se ažurira stanje te robe na skladištu.

---

<sup>1</sup> Određeni trenutak podrazumijeva trenutak kada radnik primijeti da je neka roba oštećena te se odmah treba izvršiti otpis te robe

- **Praćenje stanja robe u skladištu**

- **Uvid u trenutno stanje robe na skladištu:** Mogućnost uvida u trenutno stanje robe na skladištu (ukupno) te uvid u trenutno stanje određenog artikla na skladištu.

- **Uvid u historijat ulaza i izlaza svakog artikla (podrazumijeva i prikaz ulaznih, izlaznih i ponderisanih cijena kao i ulaznih i izlaznih količina robe)**

- **Mogućnost kreiranja izvještaja:** Podrazumijeva kreiranje izvještaja o trenutnom stanju robe u skladištu, trenutno stanje određenog artikla, kao i prikaz historijata ulaza i izlaza određenog artikla

## **Zašto baš mi?**

---

Naša kompanija je prisutna na bosansko-hercegovačkom tržištu od 2001. godine. Za tih 15 godina smo učestvovali u velikom broju veoma zahtjevnih projekata koje smo uspješno realizovali. Iza nas stoje mnogobrojni zadovoljni klijenti, a nadamo se da će i Vaša firma uskoro biti jedan od njih.

Naša poslovna politika podrazumijeva njegovanje odnosa sa klijentima, koja se postiže kroz otvorenu komunikaciju i radu na ostvarenju zajednički postavljenih ciljeva. Kod nas je zaposleno preko 50 iskusnih inženjera spremnih da odgovore na sve vaše zahtjeve. Mi dobro znamo da je uspjeh u detaljima. Perfekcionisti je riječ koja će najtačnije opisati naš tim koji uvijek pokušava više. Znamo šta radimo i datum isporuke gotovog softvera prema dogovoru je od iznimne važnosti za nas. Osigurali smo raznovrsni tim ljudi koji se jako dobro slažu privatno i poslovno, a surađujemo sa širokom mrežom partnera za koje je zajedničko da su stručnjaci u svom području i poštuju etiku, principe i dogovore jednako dobro kao i mi.

Pored samog softvera nudimo i obučavanje korisnika za korištenje softvera, konstantnu korisničku podršku te usluge održavanja i eventualne nadogradnje. Naši klijenti su tretirani s najvećim poštovanjem u nadi da će ono biti i uzvraćeno.